

هبدأ و اصالحك

لو هنحسب كل حاجة
الغلط مش عندي .. عندك
بس انا مش شايفة حاجة
لو بدأت و جيت اصالحك

إنتَ رُوحِي فيك و عقلي
لو بتسأل تبقي مين
يبقى زعلك هُوّا زعلي
مش مُهم الغلطة فين

مش هقول إيه يعني يزعل
مش هطاوع كبريائي
مهما نزعل .. مهما يحصل
حُبنا هُوّا الي باقي

إِحْتِمَال فِي حَاجَات قَدِيمَة
شِلَتْهَا وَكَاتِم فِي قَلْبِكَ
بَس دِي اللَّحْظَة إِلِي فِيهَا
إِنْفَجَرَ عِنْدَكَ وَغَضَبَكَ

هَتَعَاتِبَنِي .. تَحْتَ أَمْرِكَ
قُولِي عَلَى غَلْطِي وَتُؤْمِنِي
بَس إَوْعَى يَوْم فِي عَمْرِكَ
تَنْسَى حُبِّي وَتُخَاصِمْنِي

عُمْرِي مَا أَزْعَلَ مِ الْعِتَابِ
لَوْ تَشُوف فِ عِتَابِي رَاحَة
مَش هَقُول : لَحْظَة حِسَابِ
لَا هَقُول : لَحْظَة صِرَاحَة

لحظة مش هتهون عليّا
واحنا بينّا خصام و بُعد
أحلى تَبَقَى اللحظة ديّه
واحنا أحباب جنب بعض

إنتِ أغلى حاجة ليّا
ممکن اتنازل عشانها
بس روعي تَبَقَى فيّا
ساكنة مرتاحة ف مكانها.